



## 't es were ons schuld

De belastinge zijn 't huuge, en ze goan nog mier omhuuge  
Den iene achter den ander goa failliet  
Dus verhuize de bedraave, 't breng nie op om hier te blaave  
En wa doet de politiek doaran, wel zuust niet!

Der wordt geproduceerd in ' Uuste, (woar)da ze mee mensenrechten muusche  
Veur de gruute winst, zeg nie da't nie woar es  
Dus ûw broek en uuk de maane komen uit de Filipaane  
En ons kaases uit Taiwan of Bangladesh

Da gerief komt noar hier in buute, die moake de zie noar de kluute  
En die bloazen ilder vuiligheid in de lucht  
Ons aage groensel en ons fruit voere'me mee subsidies uit  
Dus fritte waa verplicht getransporteerden bucht

De zie, die goat omhuuge en het zuide stoa te druuge  
En 't es maan schuld... dat da gebeurt  
Dus maanen otto die moe buite, ik è verplicht dubbele ruite  
Want 't es maan stove die guul het land besmeurt

**'t Es were van da, 't es were ons schuld**  
**Ze spele mee ons voete, ons verstand en ons geduld**  
**'t Es were van da, en oas ge goe leest**  
**De wirreld es om ziepe, en 't zaame't waa geweest**  
**'t Es were van da**

We goame 't hier nie lange trekke, probere nog wa taad te rekke  
En achter ons... trekke ze de liere op  
Wa geveme an de jonge gaste, woar goam' ilder mee belaste  
En zegge waa "trekt ûwe plan en losse't op"?

En al dedie die 't miest vervuile, zoeme die nie keune ruile  
Veur ne nieuwe wind mee mier gezond verstand  
(In) ploats' van dedie mee liepe streke die het op ons blaave steke  
het es den huusten taad! 't Luupt hier uit d'hand!

**'t Es were van da, 't es were ons schuld**  
**Ze spele mee ons voete, ons verstand en ons geduld**  
**'t Es were van da, oas ge goe leest**  
**De wirreld es om ziepe, en 't zaame't waa geweest**  
**'t Es were van da, 't es were ons schuld**  
**Ze spele mee ons voete, ons verstand en ons geduld**  
**'t Es were van da, oas ge goe leest**  
**De wirreld es om ziepe, en 't zaame't waa geweest**  
**'t Es were van da**

Info & boekingen: [kurt@biezebaaze.be](mailto:kurt@biezebaaze.be) | [www.kurtburgelman.be](http://www.kurtburgelman.be)